

სახელმწიფო შესყიდვის შესახებ ხელშეკრულება №40
(ელექტრონული ტენდერი)
(NAT210013986)

ქ. თბილისი

სსიპ საფინანსო-ანალიტიკური სამსახური (შემდგომში - „შემსყიდველი“), წარმოდგენილი სამსახურის უფროსის მოადგილის გიორგი ბაბაკიშვილის სახით და შპს „იუ-ჯი-თი“ (შემდგომში - „მიმწოდებელი“), წარმოდგენილი მისი აღმასრულებელი დირექტორის ერმილე სულაძის სახით, ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობის, „სახელმწიფო შესყიდვების შესახებ“ საქართველოს კანონის შესაბამისად, ამავე კანონის მე-3 მუხლის პირველი პუნქტის „ჟ“ ქვეპუნქტის საფუძველზე, ვთანხმდებით შემდეგზე:

1. გამოყენებული ტერმინების განმარტებები

1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
3. „დღე“, „კვირა“, „თვე“ - კალენდარული დღე, კვირა, თვე.
4. „შემსყიდველი“ - ორგანიზაცია, რომელიც ახორციელებს შესყიდვას.
5. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
6. „საქონელი“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

წინამდებარე ხელშეკრულების საგანია დანართი N1-ით გათვალისწინებული არსებული, DELL EMC XtremIO მონაცემთა შენახვის All-Flash სისტემის დამატებითი კომპონენტების შესყიდვა (თანმდევი მომსახურებით მონტაჟი/ ინსტალაცია/ექსპლუატაციაში გაშვება) - CPV 30233100;

3. ხელშეკრულების ღირებულება

1. ხელშეკრულების საერთო ღირებულება შეადგენს 2,560,000.00 (ორი მილიონ ხუთას სამოცი ათასი) ლარს.
2. საქონლის ღირებულება მოიცავს როგორც გასაწევი საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
4. საქართველოს სამოქალაქო კოდექსის 398-ე მუხლით გათვალისწინებული პირობების დადგენის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

4. მხარეთა ვალდებულებები

1. მიმწოდებელი ვალდებულია:

ა) უზრუნველყოს ხელშეკრულების მე-2 მუხლით გათვალისწინებული საქონლის მიწოდება თანმდევი მომსახურებით (მონტაჟი/ინსტალაცია/ექსპლუატაციაში გაშვება), სსიპ საფინანსო-ანალიტიკურ სამსახურში,

შემდეგ მისამართზე: ქ. თბილისი, გორგასლის ქუჩა №16 და ქ. რუსთავი, წითელი ხიდის გზატკეცილი 21-ე კილომეტრი, წინამდებარე ხელშეკრულების ძალაში შესვლიდან 80 (ოთხმოცი) დღის განმავლობაში;

ბ) შესყიდვის ობიექტის თანმდევი მომსახურება (მონტაჟი/ინსტალაცია/ექსპლუატაციაში გაშვება) განახორციელოს მოსაწოდებელი საქონლის მწარმოებელი კომპანიის სერტიფიცირებული სპეციალისტ(ებ)ის (ინჟინერ(ებ)ის) მიერ, კერძოდ: ირაკლი ბეროშვილის და ოლეგ ირემაშვილის მიერ;

გ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;

დ) ხელი შეუწყოს შემსყიდველს ინსპექტირების განხორციელებაში;

ე) განახორციელოს ამ ხელშეკრულებითა და მოქმედი კანონმდებლობით მასზე დაკისრებული სხვა ვალდებულებები.

2. შემსყიდველი ვალდებულია:

ა) განახორციელოს ამ ხელშეკრულებით მასზე დაკისრებული ვალდებულებები.

3. მიმწოდებელს უფლება აქვს:

ა) მოსთხოვოს შემსყიდველს გაწეული საქონლის ღირებულების ანაზღაურება ხელშეკრულებით გათვალისწინებული პირობებით;

4. მხარეები კისრულობენ ვალდებულებას წინამდებარე ხელშეკრულებასთან დაკავშირებული ნებისმიერი მიმოწერა აწარმოონ წერილობით ან/და ელექტრონული ფოსტის (მიმწოდებლის ელექტრონული ფოსტის მისამართ(ებ)ი: ugt@ugt.ge; zurab.chomakhashvili@ugt.ge; guram.asanishvili@ugt.ge; შემსყიდველის ელექტრონული ფოსტის მისამართ(ებ)ი: i.chkhaidze@mof.ge; g.kaishauri@mof.ge; L.Kvantaliani@mof.ge; I.Bakhtadze@mof.ge;) მეშვეობით.

5. ხარისხი და გარანტია

1. მიწოდებული საქონლი უნდა იყოს ახალი, მისი ხარისხი უნდა შეესაბამებოდეს ამ სფეროში დადგენილ სტანდარტებს (ასეთის არსებობის შემთხვევაში) და წინამდებარე ხელშეკრულებაში განსაზღვრულ მაჩვენებლებს.

2. მიწოდებულ საქონელზე, ვრცელდება მწარმოებლის 3 (სამი) წლიანი გარანტია (საქონლის მოწოდების შემდგომ აღნიშნული ინფორმაციის გადამოწმება შესაძლებელი უნდა იყოს მწარმოებლის ოფიციალურ საიტზე), 24x7-ზე ტექნიკური მხარდაჭერის სერვისით, რომლის ათვლაც დაიწყება მიღება-ჩაბარების აქტის გაფორმების დღიდან. პროგრამულ/აპარატული დაზიანების შემთხვევაში 14 (თოთხმეტი) დღიანი (კალენდარული დღე) აღდგენის დროით, ხოლო ინფორმაციის მატარებლის (დისკი) დაზიანების შემთხვევაში აღდგენის დრო არ უნდა აღემატებოდეს 3 (სამი) კალენდარულ დღეს.

3. საგარანტო პერიოდში, მიწოდებული საქონლის ნებისმიერი დაზიანების შემთხვევაში, პრეტენდენტი ვალდებულია საკუთარი ხარჯებით აღმოფხვრას ყველა გამოვლენილი ხარვეზი/დაზიანება.

6. ხელშეკრულების შესრულების კონტროლი

1. შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც საქონლის მიწოდების დროს, ისე ხელშეკრულების მოქმედების მთელ პერიოდზე.

2. ხელშეკრულების პირობების შესრულების კონტროლს განახორციელებენ შემსყიდველის მიერ განსაზღვრული პირი ან/და პირთა ჯგუფი ან/და კონკრეტულ შემთხვევებში მხარეთა შეთანხმებით შესაძლებელია მოწვეულ იქნეს სპეციალური ცოდნის მქონე სპეციალისტი (ექსპერტი).

3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული საქონელი, მიმწოდებელი ვალდებულია შეტყობინების მიღებიდან, პროგრამულ/აპარატული დაზიანების/წუნის შემთხვევაში არაუგვიანეს 14 (თოთხმეტი) დღისა, ხოლო სხვა დანარჩენ შემთხვევაში (მათ შორის ინფორმაციის მატარებლის (დისკი) დაზიანების შემთხვევაში) არაუგვიანეს 3 (სამი) დღისა გამოასწოროს წუნი. იმ შემთხვევაში თუ წუნის გამოსწორება შეუძლებელია და შემსყიდველს უკვე გადახდილი აქვს საქონლის ღირებულება დაუბრუნოს შემსყიდველს აღნიშნული წუნდებული საქონლის ღირებულება.

7. მიღება-ჩაბარების წესი

1. საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელისმოწერით, ინსპექტირების განმახორციელებელი პირის/პირების დადებითი დასკვნის საფუძველზე.

2. შემსყიდველის მხრიდან საქონლის მიღებას აწარმოებს: სსიპ საფინანსო-ანალიტიკური სამსახურის ადმინისტრაციული დეპარტამენტის უფროსი.

8. ანგარიშსწორება

1. ანგარიშსწორება განხორციელდება 2021 წლის სახსრებით, კერძოდ: 512.000.00 (ხუთას თორმეტი ათასი) ლარი სახელმწიფო ბიუჯეტიდან, ხოლო 2,048,000.00 (ორი მილიონ ორმოცდარვა ათასი) ლარი საკუთარი სახსრებით.

2. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

გ) წინასწარი (ავანსი) ანგარიშსწორება განხორციელდება ხელშეკრულების საერთო ღირებულების 20%-ის ოდენობით, საავანსო თანხის იდენტური ოდენობის, უპირობო (გარანტიით გათვალისწინებული თანხა შემსყიდველმა უნდა მიიღოს ყოველგვარი დამატებითი განმარტებებისა და მტკიცებულებების წარდგენის გარეშე, პირველი მოთხოვნისთანავე), გამოუთხოვადი საბანკო გარანტიის საფუძველზე (რომლის მოქმედების ვადა არანაკლებ 30 დღით უნდა აღემატებოდეს წინამდებარე ხელშეკრულების მე-4 მუხლის პირველი პუნქტის „ა“ ქვეპუნქტით გათვალისწინებული საქონლის მიწოდების საბოლოო ვადას). საავანსო საბანკო გარანტია გაცემული უნდა იყოს საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიიდან, ეროვნულ ვალუტაში - ლარში.

დ) საავანსო საბანკო გარანტია წარმოდგენილი უნდა იქნას ხელშეკრულების ძალაში შესვლიდან 5 (ხუთი) სამუშაო დღის განმავლობაში.

ე) შემსყიდველი იღებს ვალდებულებას, მიმწოდებელს გადაუხადოს საავანსო საბანკო გარანტიის იდენტური თანხა, საავანსო საბანკო გარანტიის წარმოდგენიდან 5 (ხუთი) სამუშაო დღის განმავლობაში.

ვ) იმ შემთხვევაში თუ მიმწოდებელი ვერ შეასრულებს ხელშეკრულებით ნაკისრ ვალდებულებებს, შემსყიდველი მიმართავს გარანტიის გამცემს თანხის ანაზღაურებასთან დაკავშირებით, წერილობითი ფორმით, რომელშიც მითითებული უნდა იყოს მოთხოვნილი თანხა როგორც ციფრობრივად ისე სიტყვიერად და ასევე საბანკო რეკვიზიტები.

ზ) წარმოდგენილი საბანკო გარანტია ავტომატურად უქმდება: საბანკო გარანტიის ვადის გასვლით, გარანტის მიერ იმ თანხის გადახდით რომელზედაც გაიცა საბანკო გარანტია და შემსყიდველის მიერ თავის უფლებებზე უარის თქმისა და საბანკო გარანტიის ორიგინალის დაბრუნებისას.

თ) საავანსო ანგარიშსწორების შემდეგ დარჩენილი ღირებულების გადახდა განხორციელდება ავანსად მიღებული თანხის სრულად გამოქვითვის შემდეგ, საბოლოო მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

9. ხელშეკრულების შესრულების შეფერხება

1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

1. წინამდებარე ხელშეკრულების პირობების შეუსრულებლობის შემთხვევაში შემსყიდველი უფლებამოსილია შეწყვიტოს ხელშეკრულება და მიმწოდებელს დააკისროს პირგასამტეხლო ხელშეკრულების ღირებულების 20%-ის ოდენობით.

2. წინამდებარე ხელშეკრულების პირობების ნაწილობრივ შეუსრულებლობის შემთხვევაში შემსყიდველი უფლებამოსილია შეწყვიტოს ხელშეკრულება და მიმწოდებელს დააკისროს პირგასამტეხლო ხელშეკრულების ღირებულების არაუმეტეს 10%-ის ოდენობით.

3. წინამდებარე ხელშეკრულების პირობების არაჯეროვნად შესრულების შემთხვევაში (მათ შორის, ხელშეკრულების მე-4 მუხლის პირველი პუნქტის „ა“ ქვეპუნქტით ან/და ხელშეკრულების მე-5 მუხლის მე-2 პუნქტით ან/და მე-6 მუხლის მე-3 პუნქტით ან/და მე-8 მუხლის მე-2 პუნქტის „დ“ ქვეპუნქტით განსაზღვრული ვადების გადაცილების შემთხვევაში) მიმწოდებელს ეკისრება პირგასამტეხლო შესაბამისად ყოველ გადაგადაცილებულ დღეზე ხელშეკრულების ღირებულების 0.02%-ის ოდენობით.

4. წინამდებარე ხელშეკრულებით განსაზღვრულ შემთხვევაში შემსყიდველი უფლებამოსილია შეწყვიტოს ხელშეკრულება მიმწოდებელთან და მოსთხოვოს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

5. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

11. ხელშეკრულებაში ცვლილებების შეტანა

1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. ხელშეკრულების შესრულების გარანტია

1. ხელშეკრულების შესრულების უზრუნველყოფის N 10006-11573437 საბანკო გარანტია (გაცემული სს „თიბისი ბანკი“-ს მიერ 2021 წლის 02 სექტემბერს), გამოიყენება მიმწოდებლის მიერ ხელშეკრულების ნაკისრი ნებისმიერი ვალდებულების შეუსრულებლობისათვის.

2. სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესის დამტკიცების შესახებ“ 34-ე მუხლის მე-5 პუნქტის შესაბამისად, ტენდერში გამოყენებული ხელშეკრულების შესრულების უზრუნველყოფის საბანკო გარანტია შეადგენს ხელშეკრულების საერთო ღირებულების 1%-ს. ხელშეკრულების შესრულების უზრუნველყოფის საბანკო გარანტიის მოქმედების ვადა განისაზღვრება 2022 წლის 20 იანვრის ჩათვლით.

3. მიმწოდებლის მიერ წინამდებარე ხელშეკრულებით ნაკისრი ვალდებულების სრულად შესრულების შემდგომ, იგი უფლებამოსილია მოსთხოვოს შემსყიდველს აღნიშნული საბანკო გარანტიის უკან დაბრუნება.

13. დავების გადაწყვეტა

1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

2. თუ ასეთი მოლაპარაკებების დაწყებიდან 5 (ხუთი) დღის განმავლობაში მხარეები ვერ შეძლებენ სადაო საკითხის უთანხმოებით მოგვარებას, ნებისმიერ მხარეს დავის გადაწყვეტის მიზნით შეუძლია, მიმართოს საქართველოს სასამართლოს კანონმდებლობით დადგენილი წესით.

14. ხელშეკრულების შეწყვეტა

1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.
2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.
3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

15. ხელშეკრულების მოქმედების ვადა

1. წინამდებარე ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2022 წლის 31 იანვრის ჩათვლით.
2. წინამდებარე ხელშეკრულების შესაბამისი მუხლები, რომელთა მოქმედების ვადაც აღემატება მე-15 მუხლის პირველ პუნქტში განსაზღვრულ ვადას, ძალაში რჩება მათ სრულ შესრულებამდე.

16. სხვა პირობები

1. წინამდებარე ხელშეკრულება შედგენილი და ხელმოწერილია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
2. ხელშეკრულებაზე თანდართული დანართი N1, წარმოადგენს წინამდებარე ხელშეკრულების განუყოფელ ნაწილს და განიხილება მასთან მთლიანობაში.

17. მხარეთა რეკვიზიტები:

შემსყიდველი

სსიპ საფინანსო-ანალიტიკური სამსახური
მისამართი: ქ. თბილისი, გორგასლის ქუჩა N16,
ტელეფონი: 032 226 1072, 032 226 1095;
საბანკო რეკვიზიტები: ანგ. 200122900,
სახელმწიფო ხაზინა, კოდი 220101222,
სკ-204577813

მიმწოდებელი

შპს „იუ-ჯი-თი“
მისამართი: ქ. თბილისი, ჭავჭავაძის 17ა,
ტელეფონი: 032 2 220505
საბანკო რეკვიზიტები: ა.ა GE05TB0600000005467291,
სს „თიბისი ბანკი“; კოდი TBCBGE22,
სკ- 204892964



შესყიდვის ობიექტი	ძირითადი მახასიათებლები	მოდელი	მწარმოებელი ქვეყანა	მწარმოებელი კომპანია	რაო-ზა (კომპ.)	ერთეულის ფასი (ლარი)	საერთო ფასი (ლარი)
არსებული DELL EMC XtremIO მონაცემთა შენახვის All-Flash სისტემის დამატებითი კომპონენტები (თანმდევო მომსახურებით მონტაჟი/ ინსტალაცია/ექსპლუატაციაში გაშვება)	იხილეთ თანდართული დანართი N2 - ტექნიკური აღწერილობა	XtremIO X2-T	ირლანდია	DELL EMC	2	1,280,000.00	2,560,000.00

შემსყიდველი

მიმწოდებელი



დანართი N2 - ტექნიკური აღწერილობა

მონაცემთა შენახვის All-Flash სისტემა - 2 ცალი		
	მწარმოებელი	Dell EMC
	მოდელი	XtremIO X2-T
	ფორმ ფაქტორი	Rack Mountable - 5U
	არქიტექტურა	Scale-Out All-Flash Storage System
	კონტროლერები	2x 1U სიმეტრიული Active/Active კონტროლერი გაფართოებადი 8 კონტროლერამდე
	პროცესორი	2x 12-ბირთვიანი პროცესორი ყოველ კონტროლერზე (ჯამში 48 ბირთვი)
	მეხსიერება	1TB მეხსიერება ყოველ კონტროლერზე (ჯამში 2TB)
	Front-End პორტები	2x 16Gb Fibre Channel SFP+ პორტი ყოველ კონტროლერზე, შესაბამისი 16Gb Fibre Channel SFP+ ტრანსივერებით; 2x 10Gb iSCSI SFP+ პორტი ყოველ კონტროლერზე, შესაბამისი 10Gb Ethernet SFP+ ტრანსივერებით;
	Back-End პორტები	2x 56Gb FDR Infiniband პორტი ყოველ კონტროლერზე, RDMA ფაბრიკასთან მისაერთებლად, შესაბამისი Infiniband კაბელებით; 2x 12Gb SAS პორტი ყოველ კონტროლერზე დისკურ თაროსთან მისაერთებლად, შესაბამისი SAS კაბელებით;
	დისკური თარო	1x 2U SAS დისკური თარო 72 x 2.5" დისკური სლოტით
	დისკები	20x 1.92TB 2.5" SSD დისკი
	გამოყენებადი სივრცე	28.8TiB XDP დაცვის ტექნოლოგიით (დედუბლიკაციის და კომპრესიის გათვალისწინების გარეშე)
	გაფართოებადობა	Scale-Up: შესაძლებელია SSD დისკების დამატება არსებულ დისკურ თაროში - 72 SSD დისკამდე; Scale-Out: სისტემა გაფართოებადია 4-ჯერ - 8x კონტროლერამდე და 288 ცალ SSD დისკამდე;
	ლიცენზირებული ფუნქციონალი	- Inline Data Deduplication - Inline Data Compression - Thin Provisioning - XtremIO Data Protection (XDP) - XtremIO Virtual Copies (Snapshots) - XtremIO Metadata-Aware Replication (Synchronous & Asynchronous) - Inline Data at Rest Encryption (D@RE)
	მონაცემთა დაცვა	XtremIO Data Protection (XDP) - მონაცემების დაცვის ტექნოლოგია, რომელიც გათვლილია 2 ცალი SSD დისკის ერთდროულად მწყობრიდან გამოსვლაზე
	წარმადობა	- 220,000 IOPS (70% Read, 30% Write, 8KB ბლოკის ზომით) 0.5 მილიწამი დაყოვნებით - 6GB/s Bandwidth - დამატებითი სერვისები (Snapshots, Deduplication, Compression, Thin Provisioning) არ იწვევენ წარმადობის (IOPS) დეგრადაციას და დაყოვნების მომატებას

თავსებადობა	სრულად თავსებადია არეზულ Dell EMC VPLEX Metro განაწილებულ ვირტუალიზატორთან; სისტემა სრულად თავსებადია VPLEX Integrated Array Service (VIAS) ფუნქციონალთან;
კაბელები	4x 15-მეტრიანი Multi-Mode OM3 LC/LC Duplex ოპტიკური კაბელი
კვება და გაგრილება	სრულად დუბლირებული კომპონენტები
არსებული Dell EMC VPLEX Metro-ს დამატებითი ლიცენზიები	- დამატებითი VPLEX Local ლიცენზია 16TB მოცულობისთვის; - დამატებითი VPLEX Metro ლიცენზია 16TB მოცულობისთვის;
არსებული Dell EMC VPLEX Metro-ს ტექნიკური მხარდაჭერის ლიცენზიები	Dell EMC-ს 3-წლიანი მხარდაჭერის სერვისი, რაც მოიცავს: Hardware Support-ს შემდეგ სერიულ ნომრებზე: - CKM00142000985 - CKM00142201540 Software Support-ს შემდეგ ლიცენზიებზე: - 1x VPLEX Local License for 4TB - 1x VPLEX Metro License for 14TB - 1x PowerPath for Linux x86 License 8-პროცესორიანი სერვერისთვის.

- საგარანტიო ვადაში მიმწოდებელმა უნდა განახორციელოს მონაცემთა შენახვის All Flash სისტემის მიკროკოდის (Firmware) ბოლო სტაბილურ ვერსიამდე განახლება.
- მიმწოდებელმა უნდა განახორციელოს მონაცემთა შენახვის All Flash სისტემის ამოცანის შესაბამისად კონფიგურაცია და არსებულ Dell EMC VPLEX Metro განაწილებულ ვირტუალიზატორთან ინტეგრაცია მონაცემების რეპლიკაციისთვის.
- მიმწოდებელმა უნდა განახორციელოს მოწოდებული განაწილებული ვირტუალიზატორის ლიცენზიების აქტივაცია.
- მიმწოდებელმა უნდა განახორციელოს არსებული მონაცემების (19TB მონაცემთა ბაზა) ონლაინ რეჟიმში სისტემის გათიშვის გარეშე მიგრაცია შესასყიდ მონაცემთა შენახვის All-Flash სისტემებზე.

შემსყიდველი



მიმწოდებელი